

კლასტერული მიდგომის უპირატესობანი სოფლის მეურნეობაში

ევგენი ბარათაშვილი

*ეკონომიკის მეცნიერებათა დოქტორი
საქ-ოს საინჟინრო, ეკონომიკის და ბიზნესის
მეცნიერებათა აკადემიების აკადემიკოსი
საერთაშორისო საინჟინრო აკადემიის აკადემიკოსი*

მაია სირაძე

*ბიზნესის ადმინისტრირების დოქტორი, ასისტენტ პროფესორი
საქართველოს ეროვნული უნივერსიტეტი სეუ*

აბსტრაქტი

მსოფლიო ეკონომიკის გლობალიზაციის ხანგრძლივი პროცესი სულ უფრო ახალ მოთხოვნებს უყენებს ტერიტორიების კონკურენტუნარიანობის ამაღლებას. კონკურენტუნარიანობის ამაღლების ერთ-ერთი უმნიშვნელოვანესი კრიტერიუმია შრომის მწარმოებლურობის ზრდა. იგი განაპირობებს მისი ამაღლების უზრუნველყოფი ეფექტიანი გადაწყვეტილებების რეალიზაციის აუცილებლობას მართვის ყველა დონეზე, ინოვაციური სტრატეგიების დანერგვის საფუძველზე. მსოფლიო გამოცდილების განზოგადებისას შეიძლება აღვნიშნოთ რომ ეფექტიანი გადაწყვეტილებების შემუშავება და რეალიზაცია შესაძლებელია რეგიონული კლასტერების ფორმირების გზით. ტერიტორიები სადაც ყალიბდება კლასტერები ეროვნული ეკონომიკისა და მათი საგარეო ეკონომიკური კავშირების ლიდერები გამოდიან. მნიშვნელოვანია ეს დაკავშირებულია იმასთან, რომ სახელმწიფოს ზემოქმედება ეკონომიკაზე, ეკონომისტთა უმრავლესობის აზრით უპირატესად უნდა იყოს ირიბი, მარეგულირებელი და უნდა უზრუნველყოფდეს რესურსების შედეგიან განაწილებას. კლასტერული მიდგომა, რომლის გამოყენება შესაძლებელია მხოლოდ რეგიონული და ბიზნეს სტრუქტურების მჭიდრო ურთიერთსარგებლო თანამშრომლობით, შესაძლებელია გვაძლევს სრულად იქნეს რეალიზებული ეს ირიბი ზემოქმედება. გარდა ამისა კლასტერული ინიციატივები სტიმულს აძლევს რეგიონში უცხოური ინვესტიციების მოზიდვას, იმდენად რამდენადაც ამჟამად მსხვილი საერთაშორისო კომპანიები, როგორც წესი ამჯობინებენ ინვესტირებას იმ რეგიონებსა და ქვეყნებში, სადაც უკვე ფუნქციონირებს კლასტერები, ან თუნდაც ის რომ უკვე არსებობს ნიშანდრეები მისი ფორმირებისათვის.

საკვანძო სიტყვები: კლასტერები, შრომის მწარმოებლურობა, ეროვნული ეკონომიკა, ინვესტიციების მოზიდვა...

ADVANTAGES OF THE CLUSTER APPROACH IN AGRICULTURE

Evgeni Baratashvili

Doctor of Economics

Academician of the Academies of Engineering,

Economics and Business

Academician of the International Academy

of Engineering

Maia Siradze

Doctor of Business Administration

Assistant Professor

Georgian National University SEU

RESUME

The long process of globalization of the world economy poses new demands for increasing the competitiveness of territories. One of the most important criteria for increasing competitiveness is the growth of labor productivity. It determines the need to implement effective solutions to ensure its increase at all levels of management, based on the implementation of innovative strategies. Generalizing world experience, we can note that effective solutions can be developed and implemented through the formation of regional clusters. Territories where clusters are formed are leaders in the national economy and in foreign economic ties. This is largely due to the fact that, according to most economists, the state's influence on the economy should be primarily indirect, regulatory, and ensure the effective allocation of resources. The cluster approach, which can only be used with close, mutually beneficial cooperation between regional and business structures, allows us to fully realize this indirect influence. In addition, cluster initiatives provide an incentive to attract foreign investment to the region, to the extent that currently large international companies, as a rule, prefer to invest in regions and countries where clusters already function, or at least where there are already incentives for their formation.

Keywords: clusters, labor productivity, national economy, investment attraction...

კლასტერული მიდგომის კიდევ ერთი უპირატესობა ისაა რომ იგი შესაძლებელს ხდის აუტსორსინგის პრაქტიკულ რეალიზებას, რომელიც ამ უკანასკნელ ხანს ფართოდაა გავრცელებული მთელს მსოფლიოში. იგი იმაში მდგომარეობს რომ მსხვილი კომპანიები დღეს ცდილობენ თავიანთი საქმიანობის მთავარ მიმართულებებზე კონცენტრირებას და სხვებს გადასცემენ შუალედური პროდუქტების წარმოებას და ძირითადი მომსახურეობის სფეროს. ამ მიზეზით კლასტერების შექმნა ძლიერ გავლენას ახდენს მცირე ბიზნესზე. ძირითადი კლასტერწარმოქმნილი საწარმოების ძლიერი საერთაშორისო პოზიციები სტიმულს აძლევს მომსახურე საწარმოების საგარეო ეკონომიკური საქმიანობის გაფართოებას. ამის მაგალითად შეიზლება მოვიყვანოთ იაპონიის საავტომობილო მაკომპლექტებელი მწარმოებლები, რომლებიც ვითარდებიან ეროვნული ავტოგიგანტების კვალდაკვალ და ხსნიან თავიანთ საწარმოებს განვითარებულ და განვითარებად ქვეყნებში.

კლასტერული ინიციატივები წარმოჩინდა როგორც რეგიონული ეკონომიკის კონკურენტუნარიანობის გაძლიერების ყველაზე წარმატებული სტრატეგიები, რადგან შესაძლებელი გახდა რეგიონული ეკონომიკის ძირითად მოთამაშეებს შორის ეფექტიანი კავშირების დამყარება. კლასტერების წყალობით სახელმწიფო სექტორების რეგიონებს უკეთ ახერხებენ ტერიტორიების სოციალურ-ეკონომიკური განვითარების მიმართულებების რეგულირებას, სამეურნეო განვითარების ტენდენციების პროგნოზირებასა და კორექტირებას დაინტერესებულ მხარეთა ძალისხმევის კოორდინაციის ხარჯზე.

საწირო ალინშნოს ის გარემოებაც, რომ კლასტერული სტრუქტურების ჩამოყალიბებისა და სპეციალური სტიმულირების პროგრამების წარმატებით რეალიზაცია შესაძლებელია მხოლოდ საერთო რეგიონული სტრატეგიის არსებობის პირობებში. როგორც მსოფლიო გამოცდილება გვიცვენებს საერთაშორისო კლასტერის შექმნა რეგიონული განვითარებისგან მოწყვეტით, მთლიანობაში, არაეფექტიანია, ხშირად კი შეუძლებელიც.

რეგიონული ხელისუფლების მიერ კლასტერული მიდგომის რეალიზაციისას მიღებული უპირატესობები იმაში მდგომარეობს რომ კლასტერი ყურადღების ფოკუსირების შესაძლებლობას იძლევა ეკონომიკის პრობლემებსა და უპირატესობებზე. კლასტერების მართვის ორგანოებისათვის, რომელშიც შეიძლება შედიოდნენ სახელისუფლებო სტრუქტურების წარმომადგენლები ხელმისაწვდომია მრავალფეროვანი და კონცენტრირებული ინფორმაცია საწარმოთა საქმიანობაზე, ეკონომიკის მოცემული სექტორის მდგომარეობასა და შრომითი რესურსების ბაზრის შესახებ, რაც არსებითად ამცირებს ხელისუფლების ორგანოების მიერ შესრულებული ანალიტიკური სამუშაოს მოცულობას და ადიდებს მისი სარწმუნოების დონეს.

ბიზნესსტრუქტურების მიერ მიღებული უპირატესობები დაკავშირებულია პროდუქციის გასაღების ბაზარზე გასვლისა და ნედლეულისა და მასალების მინოდების ბარიერების არსებით შემცირებასთან, დანახარჯების შემცირებასთან მასშტაბის ეფექტის ხარჯზე, რომელიც ვლინდება მწარმოებლებისა და მომხმარებლების კოოპერაციისას, კლასტერი მწარმოებლებსწარმოქმნილი პრობლემების სისტემატიზაციის, მათი დაძლევის გზების არჩევის ახალ შესაძლებლობას უქმნის. რეგიონულ და მუნიციპალურ ხელისუფლებასთან ურთიერთქმედების წყალობით იძებნება მათი იმ ნაწილის გადწყვეტის მეთოდები და საშუალებები, რომლებიც რეგიონის კომპეტენციის სფეროშია. კლასტერის ავტორიტეტზე გავლენის გამოყენებით, ბიზნესი და რეგიონული ხელისუფლება ერთობლივად ეძებენ თავიანთი ინიციატივების ყველაზე ეფექტიანი განხორციელების გზებს რეგიონული სტრუქტურების მეშვეობით, კანონპროექტების მომზადებისა და რეგიონული და დარგობრივი ინიციატივების გატარების ლობირების ჩათვლით.

კლასტერის აგება შესაძლებელია განხორციელდეს სამი ვარიანტით:

1. ზევიდან-ქვევით- როცა კლასტერის სტრატეგიის განსაზღვრა მთლიანობაში და მისი რესურსებით მხარდაჭერა ხორციელდება ზევიდან
2. ზევიდან ზევით- როცა ცალკეული პროექტები და პროგრამები ინტეგრირდება და ერთიანდება კლასტერში ქვევიდან
3. შერეული ვარიანტი-როცა პარალელურ რეჟიმში დროსი ერთმანეთს ერწყმის ორივე მიდგომა.

კლასტერების შექმნისაკენ მიმართული პოლიტიკა იწყება რეგიონში მათი წარმოქმნისათვის უკვე არსებული წინამძღვრებით, რომელთაგან უმთავრესია:

- კლასტერი განვითარებისათვის ფუძემდებლური მესაკუთრეებისა და კლასტერის ფარგლებსი თანამშრომლობით დაინტერესებული საწარმოების არსებობა
- კოოპერაციული და სხვა კავშირების ურთიერთქმედების შედეგად დამუშავებული მექანიზმების, ურთიერთდობის მაღალი დონის არსებობა.
- საწარმოთა და ორგანიზაციათა მაღალი ინოვაციურ-ტექნოლოგიური დონე
- კლასტერის პოტენციური მონაწილე საწარმოებისა და ორგანიზაციების პროდუქციის მაღალი კონკურენტუნარიანობა მსოფლიო ბაზარზე, რასაც განსაზღვრავს პროდუქციის მაღალი მოცულობა და შესაზლოა მაღალი ტექნოლოგიების იმპორტი.
- შემდგომი ინოვაციური განვითარების სურვილი
- ხელისუფლების ორგანოების დაინტერესება რეგიონის ეკონომიკის განვითარების კლასტერული ვარიანტით და კონკურენციისა და თანამშრომლობის გაფართოებით.

- ბიზნესთან ურთიერთქმედების გამოცდილების არსებობა ხელისუფლების ორგანოებში, მათ შორის, ეკონომიკის იმ სექტორში, რომელშიც ნავარაუდევია კლასტერის ფორმირება;

- კარგი ნორმატიულ-სამართლებრივი ბაზის არსებობა რეგიონებს

- სისტემატური მუშაობა რეგიონში ბიზნესის მხარდაჭერის არსებული ინფრასტრუქტურის განვითარებისა და სრულყოფისათვის

- რეგიონის ხელმძღვანელების მზაობა ბიზნესის წარმომადგენლებთან შემდგომი დიალოგისათვის თანამშრომლობის პირობებით, ბიზნესთან და ხელისუფლებასთან მუშაობის დადებითი გამოცდილება თანამშრომლობისა და კონკურენციის ზრდის პირობებში.

- პროფესიული განათლების მაღალკვალიფიციური სისტემის არსებობა, რომელსაც გააჩნია ეკონომიკის შესაბამისი სექტორისათვის კადრების მომზადების გამოცდილება;

რეგიონის ძლიერი და სუსტი მხარეების შესაფასებლად პირველ ეტაპზე აუცილებელია გაანალიზდეს ოთხი ძირითადი მიმართულება:

1. განისაზღვროს მომუშავეთა რაოდენობა და კვალიფიკაცია, ასევე დაწესებულებათა რიცხვი, რომლებიც მონაწილეობენ სავარაუდო კლასტერის მოცემულ სექტორში.

2. ლოკალური კლასტერების ხვედრითი წონა კლასტერში და მათი ხვედრითი წონა რეგიონში, ქვეყანაში

3. განისაზღვროს დანახარჯებისა და შემოსავლების თანაფარდობა ტექნოლოგიური პროცესის ყველა რგოლში, ნედლეულისა და მასალების მონოდებით დაწყებული პროდუქციის რეალიზაციით დამთავრებული

4. განისაზღვროს კლასტერის ზრდის ტემპი

1995 წელს კლასტერების ეროვნულ კონფერენციაზე არიზონაში შემოთავაზებულ იქნა გაბატონებული კლასტერების განსაზღვრის ფორმულა, სადაც წარმოების კონცენტრაცია უნდა აღწევდეს 40%-ს, ზრდა 10%-ს, კოოპერაციული კავშირები კლასტერის მონაწილე საწარმოებს შორის 10%-ს.

უნდა აღინიშნოს რომ კლასტერების სასიცოცხლო ციკლი შედგება 4 სტადიისგან:

- ემბრიონული (ჩასახვის სტადიაში მყოფი)-ფორმირების პირველ ეტაპზე მყოფი კლასტერები

- განვითარებადი-ჩამოყალიბებული და განვითარების გზაზე მყოფი კლასტერები

- მომწიფებული- მდგრადი და შემდგომი განვითარების პოტენციალის მქონე კლასტერები

- მომაკვდავი-თავისი საქმიანობის დასრულების სტადიაში მყოფი კლასტერები

კლასტერების სასიცოცხლო ციკლიდან გამომდინარე, საჭიროა მათი განვითარების ხელშეწყობის მექანიზმის შემუშავება, ასე მაგალითად: ემბრიონულ სტადიაზე მყოფ კლასტერებსჭირდებატ

მხარდაჭერა ინფორმაციული უზრუნველყოფისა და საწარმოებს შორის კავშირების დამყარების საქმეში. შემდგომი ამგვარი დახმარების აუცილებლობა ნელ ნელა იკლებს. მთლიანობაში კ კლასტერული მიდგომის გამოყენება რეგიონული ეკონომიკის მართვაში ხელს უწყობს მის დინამიურ პროპოცირულ განვითარებას.

რეგიონული მეურნეობების ეკონომიკური ეფექტიანობის ამაღლების აუცილებლობა ტერიტორიების წინაშე აყენებს ახალ ამოცანებს, პირველ რიგში რეგიონული ეკონომიკის კონკურენტუნარიანი მოდელის არჩევანთან დაკავშირებულ საკითხებს, რაც შესაძლებელს ხდის არსებული პოტენციალის მაქსიმალურ გამოყენებას. კონკურენტუნარიანობა რთული მრავალასპექტიანი და მრავალდონიანი ცნებაა, რომელიც ორგანულადაა დამახასიათებელი მეურნეობრიობის საბაზრო სისტემისათვის. ყველაზე ზოგადი სახით კონკურენტუნარიანობა ნიშნავს თავისი ფუნქციის (დანიშნულების, მისიის) შესრულებას მოთხოვნილი ხარისხითა და ღირებულებებით კონკრეტული ბაზრის პირობებში. რეგიონის კონკურენტუნარიანობა არის მისი უნარი წარმატება მოიპოვოს ეკონომიკურ შეჯიბრებებში საქონლის გასაღების შიგა და მსოფლიო ბაზარებზე, ბიზნესის განვითარებისათვის გარემოს, ინვესტიციური მიმზიდველობის შექმნაში, როგორც შიგა, ასევე უცხოური ინვესტიციებისათვის, ცხოვრების ხარისხში და ა.შ.

არსებობს კონკურენტუნარიანობის ჩამოყალიბებისა და განვითარების მრავალი თეორია, რომელთაგან ერთ-ერთია ეკონომიკის კლასტერული მართვის თეორია. ეს თეორია ფართოდ გამოიყენება განვითარებულ ქვეყნებში. როგორც უკვე აღვნიშნეთ, კლასტერული მიდგომის გამოყენების შედეგები ცნობილია სახელგანთქმული „სილიკონის ველის“, ფინეთის სატყეო და ქაღალდის, შეფაუთი მასალების და პოლიგრაფიული კლასტერის, ნორვეგიის გემთმშენებლობის კლასტერისა და იტალიის „სამრეწველო რაიონების“ სახით.

კლასტერული კონცეფცია ემყარება კონკრეტული რეგიონების კონკურენტუნარიანობას, რომელიც დამოკიდებულია ურთიერთდაკავსირებული დარგების კლასტერის არსებობაზე. კონცეფციას საფუძვლად უდევს მ. პორტერის საერთაშორისო კონკურენტუნარიანობის დეტერმინანტების სისტემა, რომელიც მოიცავს კოკურენტუნარიანობის ოთხ დომინანტს. კლასტერის მონაწილე კონკურენტი ფირმების, ასევე მხარდაჭერი და მონათესავე დარგების, რესურსების ძლიერი და მომთხოვნი მომწოდებლებისა და განვითარებული ელემენტების მქონე მომხმარებლების არსებობა რეგიონის ეკონომიკას საერთაშორისო დონეზე კონკურენციის გაწევის უნარს ანიჭებს. მაიკლ პორტერის თეორიის თანახმად კლასტერი ეს არის ცალკეული ერების ქვეყნებისა და ქალაქების ცხოვრებაში განსაკუთრებული როლის მქონე ფირმების, მომწოდებლებისა და მომხმარებლების კავშირები.

დებლების, ურთიერთდაკავშირებული დარგების გეოგრაფიული კონცენტრაცია... კლასტერები განაპირობებენ ახლებურ შეხედულებას ეკონომიკასა და მის განვითარებაზე, ბიზნესის, მთავრობისა და ინსტიტუტების ახალ როლზე და ურთიერთდამოკიდებულებების აგების ახალ ხერხებზე, როგორიცაა ბიზნესი-მთავრობა ან ბიზნესი-ინსტიტუტები. პორტერი მოცემულ განმარტებაში ყურადღებას ამახვილებს თავისი ცნობილი წიგნის კონკურენციის შესავალში, რაც მიუთითებს რეგიონული ფაქტორის ცენტრალურ როლზე კლასტერების წარმოქმნის პროცესში.

კლასტერების ან სამრეწველო ჯგუფების თეორიამ გაგრძელება ჰპოვა მეორე ამერიკელი მეცნიერის ენრაიტის ნაშრომებში. მან შექმნა „რეგიონული კლასტერის“ თეორია და მისცა მას შემდეგი განმარტებები:

✓ რეგიონული კლასტერი-ეს არის სამრეწველო კლასტერი, რომელშიც კლასტერის წევრი ფირმები გეოგრაფიულად ერთმანეთთან ახლოს მდებარეობენ

✓ რეგიონული კლასტერი-ეს არის მეურნეობის ერთ ან რამდენიმე მონათესავე დარგის მომუშავე ფირმების ეკონომიკური აგლომერაცია

ამრიგად ენრაიტის ლეორიის თანახმად, კონკრეტული უზურატესობანი იქმნება არა ეროვნულ, არამედ რეგიონულ დონეზე, სადაც მთავარ როლს ასრულებენ რეგიონების განვითარების ისტორიული წინამძღვრები, ბიზნესის წარმოების, კულტურის წარმოების ორგანიზაციისა და განათლების მიღების მრავალფეროვნება. სწორედ რეგიონული კლასტერები საწარმოებენ სახელმწიფო სტრუქტურებისა და კვლევითი ორგანიზაციების მიზანმიმართულ მხარდაჭერას.

საბჭოთა ეკონომიკაში თანამედროვე კლასტერული წარმონაქმნების პირველსახე იყო ტერიტორიულ-საწარმო კომპლექსი, რომელიც წარმოადგენდა სოციალისტური საზოგადოების საწარმოო ძალების სივრცითი ორგანიზაციის ფორმას, რომელიც ყველაზე სრულად პასუხობდა მათი განვითარების ამოცანებს სამეცნიერო ტექნიკური რევოლუციის პირობებში. მისი შექმნის ობიექტური წინამდებარეობა მნიშვნელოვანწილად დამოკიდებული იყო ადგილობრივი ბუნებრივი რესურსების-მინერალური ნედლეულის, სათბობ-ენერგეტიკული, წყლის, მცენარეული და მინის რესურსების თავისებურებებზე. რესურსების ამგვარი დაჯგუფება მათი გამოყენების სპეციფიკური ნიშნების გამოვლენის საშუალებას იძლეოდა.

ჩვენი ქვეყნის ეკონომიკის გადასვლამ მეურნეობრიობის საბაზრო მოდელზე ტსკ-ს ელემენტებისა და ურთიერთკავშირების სტრუქტურაიდან გააქრო მნიშვნელოვანი სტრუქტურათწარმოქმნელი რგოლი-წარმოებისა და პროდუქციის მიწოდების დავალება. სახელმწიფო გეგმური დავალების ნაცვლად საწარმოებმა იწვნიეს მათ პროდუქციაზე მოთხო-

ვნის არ არსებობა სხვა სამამულო და საზღვარგარეთული საწარმოების მხრიდან. პროდუქციის ძირითადმა და უმსვილესმა მყიდველმა სახელმწიფომ დაკარგა თავისი როლი ტსკ-ს საქმიანობაში საზოგადოებრივი პროდუქტის განაწილების ხასიათის ცვლილებასთან დაკავსირებით. ასევე განადგურდა და გაქრა არსებული საწარმოო-სამეურნეო კვაშირები საწარმოებსა და სახელმწიფოს შორის. ამ პირობებში გადარჩა და ვითარდება საწარმოები და მათი კომპლექსები, რომელთაც შესწევთ უნარი დააკმაყოფილონ მოთხოვნილება არამხოლოდ შიგა ბაზარზე არამედ საერთაშორისოზეც. ტსკ-ს სამართველოები დაიკარგა. ამის შედეგად მჭიდროდ ურთიერთდაკავშირებული და ფუნქციონირებადი ობიექტებიდან ტსკ-ს უმრავლესობა იქცა საწარმოთა ქაოსურ გაერთიანებად დაბალი კონკურენტული პოტენციალით საერთაშორისო ბაზარზე.

რეგიონის კონკურენტუნარიანობის ამაღლების ერთ-ერთი ამოცანაა რეგიონის კლასტერიზაციის პოტენციალის გამოვლენა.

კლასტერის ეკონომიკური სქმიანობის კრიტერიუმს წარმოადგენს საწარმოების მიერ მსოფლიო ბაზარზე კონკურენტუნარიანი პროდუქციის წარმოება. კლასტერს მთლიანობაში უნდა გაანჩნდეს შემდეგი განმასხვავებელი ნიშნები:

1. შესაბამისი პროდუქციის ბაზარზე მისი წილი აღემატება მთლიან რეგიონულ პროდუქტში გამოხატულ რეგიონის ეკონომიკის საშუალო წილს აღნიშნულ ბაზარზე.

2. კლასტერის პროდუქციის მატების ტემპი აღემატება მთლიანი რეგიონული პროდუქტის მატების საშუალო ტემპს.

3. კლასტერის კონკურენტუნარიანობა ხვედრითი დანახარჯებისა და პროდუქციის ხარისხის მიხედვით, ტოლს არ უდებს სხვა ქვეყნებისა და რეგიონების ეკონომიკის შესაბამის სექტორებს.

4. კლასტერში შემავალი დარგების მდგრადი კოოპერირება და მის საფუძველზე აგრომელაციური პროცესების, ქსეკური ფორმებისა და ორგანიზაციების ჩამოყალიბება

5. კლასტერის საწარმოებს შორის საინფორმაციო და მარკეტინგული კავშირების განვითარება თანამედროვე ტექნოლოგიების საფუძველზე, რეგიონთაშორისი ეკონომიკური ინტეგრაციის ფარგლებში წარმოების, მიწოდებისა და მმართველობის საერთო სტანდარტების შექმნა, კლასტერული ბრენდების აქტიური განვითარება.

როგორც მსოფლიო პრაქტიკა გვიშვენებს, კლასტერული მიდგომა არის არამხოლოდ სამრეწველო პოლიტიკის მიზნების მიღწევის საშუალება, არამედ ის წარმოადგენს ასევე მძლავრ ინსტრუმენტს რეგიონული განვითარების სტიმულირებისათვის, რომელიც საბოლოო ჯამში შეიძლება მდგომარეობდეს რეგიონის სავაჭრო ბალანსის სტიმულირებაში, დასაქმების გაზრდაში, სხვადასხვა დონის ბიუჯეტებში ანარიცხებისა და ხელფასის ზრდაში, რეგი-

ონული მრეწველობის მდგრადობისა და კონკურენტუნარიანობის ამაღლებაში.

საქართველოში ხაზი უნდა გაესას მსხვილი კონკურენტუნარიანი სტრუქტურების შექმნის მიზანშეწონილობას. ასეთი სტრუქტურები შეიძლება იყოს დარგთაშორისი კლასტერული წარმონაქმნები, რომლებიც ხელს უწყობს საჭირობოტო ეკონომიკური პრობლემების გადაწყვეტას და უზრუნველყოფს ეკონომიკის მზარდ განვითარებას. კლასტერების ჩამოყალიბება უნდა მოხდეს ეკონომიკური სქიანობის პრიორიტეტული სახეების მიხედვით, რომელთა ეფექტიანი საქმიანობა ხელს შეუწყობს რეგიონის კონკურენტუნარიანობის ამაღლებას. მისი შედეგი იქნება ტერიტორიების არსებული რესურსების გამოყენება რეგიონის ეკონომიკური, ეკოლოგიური, სოციალური და დემოგრაფიული მდგრადობის უზრუნველყოფის მიზნით.

წარმოგიდგენთ რეგიონალური კლასტერის მართვის მექანიზმს, რომლის გამოყენება განაპირობებს რეგიონის კონკურენტუნარიანობის ხარისხის ზრდას გლობალურ ეკონომიკაში. აღნიშნული მექანიზმის საფუძველია კორპორაციული მართვის სისტემა რომელიც გამოიყენება რეგიონული კლასტერის მართვისთვის და წარმოადგენს ფედერალური და რეგიონული ხელისუფლების, მწარმოების და საზოგადოებრივი ორგანიზაციების მოქმედებათა შეთანხმების და სინქრონიზაციის, აგრეთვე რეგიონის არამატერიალური აქტივების აქტივიზაციის ინსტრუმენტებს.

თანამედროვე რეგიონული განვითარება ხასიათდება იმით, რომ არასაბაზრო გარემოში წარმოქმნილმა და განვითარებულმა რეგიონებმა საბაზრო ეკონომიკაზე გადასვლისას შეწყვიტონ ღია ბაზრის ეკონომიკური, სოციალური, ეკოლოგიური და ორგანიზაციულ-მმართველობითი პროცესების მასშტაბებთან შესაბამისობა, რომელიც ითვალისწინებს კოკურენციას, როგორც მცირე ეკონომიკური სუბიექტების დონეზე, ასევე ფედერალურ დონეზე.

რეგიონების კონკურენტუნარიანობა გამოხატავს მრავლობითი ურთიერთობის ერთობლიობას რეგიონის ეკონომიკურ განვითარებასთან დაკავშირებით სხვა რეგიონებთან ურთიერთქმედებაში. როგორც რეგიონის პოტენციურ და რეალიზებულ კონკურენტულ შესაძლებლობათა მახასიათებელი შეფიქრებითი ურთიერთობების სფეროში რეგიონებს შორის, ტერმინ „ რეგიონის კონკურენტუნარიანობას“ უდავოდ აქვს არსებობის უფლება ეკონომიკური კატეგორიის სახით, რომელიც ასახავს რეგიონის, როგორც კონკურენციის სუბიექტის პოზიციას.

ზოგადად შეიძლება ვისაუბროთ რეგიონთაშორისი კოკურენციის ორი ტიპის არსებობაზე:

1. ვერტიკალური, ე.ი ცენტრალური და რეგიონალური ხელისუფლების სხვადასხვა დონეს შორის კონკურენცია სახელისუფლებო უფლებამოსილებებისა და ფინანსური რესურსების განაწილების მოცულობაზე;

2. ჰორიზონტალური, ე.ი რეგიონებს შორის კონკურენცია მობილური რესურსებისათვის. კონკურენციის ობიექტია ყოველივე ის, რაც შეიძლება გამოყენებულ იქნას შემოსავლის რეალური ან პოტენციური წყაროს სახით.

რეგიონში ეკონომიკური პროცესები მიმდინარეობს უწყვეტად, ერთიანი ნაკადით. ამიტომ პროცესები იკვრება: კონკურენციის შედეგები მოქმედებს წარმოების ფაქტორებზე, შემდე კი შედის მის შემადგენლობაში, ხოლო საწარმოო ფაქტორები, თავის მხრივ გაშუალებული მოქმედებს კონკურენციის შედეგებზე ხარისხობრივი მახასიათებლების გაუმჯობესების და ახალ აუცილებელ რესურსებზე მოთხოვნების დონის ზრდით. იმდინარეობს უწყვეტი განახლების პროცესი, რომლის დროსაც რეგიონში კონკურენტუნარიანობის ხარისხი იზრდება. რეგიონი აღწევს წარმატებას კონკურენტულ ბრძოლაში, თუმცა ეს მას არ ხდის კოკურენტუნარიანს აბსოლუტური გაგებით, შესაძლებელია მხოლოდ კონკურენტუნარიანობის ხარისხზე საუბარი.

რეგიონის კონკურენტუნარიანობის აბსოლუტიზაციის შეუძლებლობას განაპირობებს შემდეგი მიზეზები: საბოლოო მომხმარებლის პროდუქციის წარმოებაში რეგიონის ადგილის განმსაზღვრელი შრომის საერთაშორისო განაწილება, რეგიონის სპეციალიზაციის დარგებისათვის აუცილებელი წარმოების ფაქტორების თავმოყრის განმსაზღვრელი რეგიონის ისტორიული სპეციალიზაცია, ნივთიერებისა და ენერგიის ამოღების დასაშვები ნორმების განმსაზღვრელი გარე საზღვრების მიღწევა, რომელთა გადანარბება განაპირობებს გარემოს უკუჩვენებას.

კონკურენტულ ბრძოლაში რეგიონის უპირატესობაა ისეთი ხარისხისა და დონის წარმოების ფაქტორების არსებობა, რომელიც მიზმიდველი იქნებოდა პოტენციური დონორებისათვის.

ტრადიციულად სამამულო ეკონომიკურ ლიტერატურაში გამოყოფენ განლაგების ფაქტორების შემდეგ ჯგუფებს: ბუნებრივს, დემოგრაფიულს, ეკონომიკურ-გეოგრაფიულს, ეკონომიკურს. ბოლო წლების უმნიშვნელოვანესი ტენდენციაა ის, რომ გაზმვადი ფაქტორების მნიშვნელობა შემცირდა რაოდენობრივად ძნელადგაზმვადი კატეგორიების სასარგებლოდ. თუმცა კონკურენტი რეგიონების ასპექტში უფრო მეტი მნიშვნელობა აქვს იმ ფაქტორებს, რომლებიც დამახასიათებელია რეგიონული სოციალურ-ეკონომიკური კონპლექსის დარგების სპეციალიზაციისათვის.

თუკი წარმოების ფაქტორების კონკურენტულ ბრძოლაში წარმატების მიღწევის წინამძღვარია , კოკურენტუნარიანობის შედეგები ვლინდება ისეთ მაჩვენებლებში, როგორებიცაა: შრომის მწარმოებლურობის ზრდა, ეკონომიკური ზრდა ეკონომიკის ტრადიციული და ახალი დარგების სტაბილური განვითარების შედეგად, რაც ემყარება წარმოე-

ბაში ინოვაციების სწრაფ დანერგვას; საქონლისა და მომსახურების ხარისხის ზრდა იმ პარამეტრებით, რაც უზრუნველყოფს შიგა და გარე მოთხოვნის დაკმაყოფილებას; ყურადღების გამახვილება ეკონომიკურ გეოგრაფიული მდგომარეობის, სასარგებლო წიაღისეულის კულტურულ-ისტორიული მემკვიდრეობის და სხვა რესურსების რაციონალურ გამოყენებაზე; მოსახლეობის ცხოვრების დონის ამაღლება.

რეგიონის კონკურენტუნარიანობის ზრდას აფერხებს რიგი ფაქტორები: სანარმოები და რეგიონები კონკურენტუნარიანობის ამაღლების წყაროდ განიხილავენ მოგების მაქსიმიზაციას, მაშინ როცა პოსტინდუსტრიული ეპოქის მამოძრავებელ ძალად აღიარებულია ინტელექტი, ხოლო კონკურენტუნარიანობის წყაროდ - დამატებული ღირებულება; არამატერიალური აქტივები მეწარმეთა მიერ არ აღიქმება კონკურენტუნარიანობის ხარისხის ამაღლების წყაროდ, მაშინ როცა მატერიალური აქტივების ხარჯზე კონკურენტუნარიანობის ზრდის შესაძლებლობა პოსტინდუსტრიულ ეპოქაში იწურება.

საზოგადოების რეფორმირების პროცესი სიახლეს არ მიიღებს წარსულში დაგროვილი რაციონალური ელემენტების გამოყენების გაუთვალისწინებლად. ასე, მაგალითად საქართველოსა და

საზღვარგარეთის ქვეყნების ეკონომიკებსი სანარმოებისა და ჰოლდინგების მართვისთვის წარმატებით იყენებენ კორპორაციული მართვის სისტემას (კმ). იგი იგება 4 პრინციპის - გამჭვირვალობის, ანგარიშვალდებულების, პასუხისმგებლობის და სამართლიანობის დაცვით.

კმ-ის პრინციპების დაცვა დამოკიდებულია მეურნე სუბიექტის უნარზე, მოახდინოს მეურნე სუბიექტის თანამშრომლების ცოდნის და უნარის კონცენტრირება და გააქტიურება, ააგოს ურთიერთობები დაინტერესებულ პირებთან საქართველოსა და საერთაშორისო კანონმდებლობის დაცვით, შექმნას მეურნე სუბიექტის შიდა კულტურა, რომელიც საერთო შედეგის მიღწევად უზრუნველყოფს ცალკეული სპეციალისტის მიერ მათზე დაკისრებული უფლებამოსილებების შესრულებისას საკუთარი მნიშვნელობის გაგებას.

ამრიგად კორპორაციული მართვის პრინციპების დაცვის სისრულე დამოკიდებულია კორპორაციული მართვის მექანიზმის უნარზე, მიიყვანოს მეურნე სუბიექტის არამატერიალური აქტივები საჭირო ხარისხობრივ დონემდე. კორპორაციული მართვის გავლენის სასუალებები არამატერიალურ აქტივებზე შემდეგია: სამეურნეო სუბიექტის მართვის ორგანოების მკაფიო სტრუქტურის შექმნა თანამდებობრივი უფლებამოსილებების დაკისრებით; კოლექტივის ფინანსური დაინტერესება მეურნე სუბიექტის საქმიანობის შედეგებით; საზოგადოების მოღვაწეობის შესაბამისობა კანონმდებლობის მოთხოვნების და კორპორაციული მართვის პრინციპების მიმართ.

გამოყენებული ლიტერატურა:

1. ე. ბარათაშვილი, ნ. ფარესაშვილი, თ. აბრალავა; „ბიზნესის მართვის კლასტერული პოლიტიკა“, თბილისი, 2012
2. <https://www.entrepreneur.com/ka/siakhlee-bi-da-tendentsiebi/klasterebi/456830>
3. <https://94.43.61.183/pages/biznes-klasterebi>
4. <https://ka.khanacademy.org/math/statistics-probability/describing-relationships-quantitative-data/introduction-to-scatterplots/a/clusters-in-scatter-plots>
5. <https://oaji.net/articles/2017/4783-1519239445.pdf>

